



Aqqalu C. Jerimiassen

UKA 2020/191

Atassut

20. oktober 2020

**Nioqqutissanik nalunaaqutsersuisarnermut inatsisip allanngortinnissaa pillugu Inatsisip inatsisillu allat assigiinngitsut, kiisalu Eqqartuussisaatsimut inatsisip, Bruxelles I-mut inatsisip inatsisillu allat assigiinngitsut allanngortinnissaat pillugit Inatsisip Kalaallit Nunaannut atuutsilernissaat pillugit peqqussutinik Namminersorlutik Oqartussat akuersissuteqarnissaat pillugu Inatsisartut aalajangiussinissaannut Siunnersuut**

(Inuussutissarsiornermut Aatsitassanullu Naalakkersuisoq)

Nalunaaqutsersuisarneq nioqqutit ilumoortuunerinik suliffeqarfiit sanaartortut pitsaassutsikkut qaffasissumik tunniussinissaanut naqissutaapput, tassanilissaaq akitigut qaffasinnerusumik inissisimaneq sulilu qaffasaaneroqqissinnaaneq periarfissaalluarluni niuffannerup silarsuaani.

Tassani nalunaaqutsersuisarneq Bruxelles I-ip inatsisai nioqqutissanik kopeerisarnermi akiuniarnermik aallaaveqangaatsiarloq maluginiarneqarsinnaavoq.

Pissusissamisuginnassarlumi ullutsinni sunik tamanik kopeerisinaanerup ajornannginnerpaaffiani inuusimalernitsinni.

Nipilersugarpassuit ajoraluartumik akilersinnaassusaat appangaatsiarsimavoq CD-nik pinerluttuliorluni kopeerisarnerup aqqani, iluanaaruteqarsinnaanerullu eqaannerusumik uuma inatsisissap iluseqalersissinnaappagu Atassummiik toqqammaaviatigut tapersimangaassavarput.

Nipilersukkanik tunisaqarniarnermi taamaallaat iluaqutaanani tuniniaasunuttaarli iluaqutaasinnaaneq tassuunakkut eqqanaarneqarsinnaalissammat.

Atuisunullu qanorpiaq iluseqarsinnaanissaa paasilluaqqaarusunnarsinnaavoq. Tassami paatsuungasoqaratarsinnaanera avataaniik nioqqutissanik nalunaaqutsipalaakkanik pisisimanermi qanoq kinguneqartoqarsinnaanera erseqqarissuusussaammat.

Taamatut oqaaseqarluta Atassummiik siunnersuut taaseqataaffiginngikkaluarlugu oqariartuutigit annippagut.